

焦太史編輯國朝獻徵錄

焦太史編輯國朝獻徵錄卷之一百八目錄

都督府三

都督僉事

胡通

劉謙

高顯

何德

徐司馬

王埜

袁義

耿懃

呂毅

趙清

謝彥

崔聚

王瑜

許亨

張通

黃寔

周璽

都豚

彭倫

李銘

李杲

張安

馮楨

劉淮

楊銳

劉璽

王縉

孫堪

田世威

趙崇璧

呼良朋

尹鳳

山陰張汝霖

全校

吳興茅元儀

錢塘徐象標

梓行

目錄

目錄

焦太史編輯國朝獻徵錄卷之一百八

都督府三

都督僉事

前軍都督府僉事胡通傳

胡通合肥人至正乙未太祖駐師和陽通挺身來附從渡江拔采石取太平攻溧陽小花圩等處丙子破壘于海牙水砦克建業定京口以功授總管從攻毘陵下之尋取宣徽戊戌十二月從上取金華己亥克諸暨攻越州陞鎮撫庚子閏五月僞漢陳友諒陷太平遂犯龍灣從擊敗之辛丑八月從征友諒破

江州僞都徇下南昌自是戰彭蠡平武昌陞指揮則
使甲辰八月從征贛州乙丑正月熊天瑞出降遂平
贛州改贛州爲指揮副使洪武元年二月壬戌會征
南將軍廖永忠等征廣東率師由韶州直據德慶四
月率師略定英德清遠晉江連州肇慶等郡邑進攻
德慶遂引兵會永忠於廣州降元守將盧左丞陞指
揮使陞僉大都督府事改前軍都督僉事數年致仕
而卒

中軍都督府僉事劉謙傳

劉謙合肥人元季與兄友仁各起兵保鄉井聞 太祖
祖義師爲衆所附遂與兄俱來歸命往長谿謝元帥
下叅隨胡大海克取黟縣祁門建德等處授友仁中
軍左元帥府右副元帥判仁安翼守禦太平縣與雙
刀趙對敵歿于陣己亥謙襲兄職征進饒州克猪湖
寨八月征浮梁攻饒州辛丑三月革樞密院開設大
都督府八月從 上征陳友諒拔九江僞都取興國
府石榴寨徇下黃梅廣濟十二月招安江西壬寅調
守江西癸卯三月調從征七月大戰陳友諒解豫章

之園克復吉安招徠安福州克復永新策應袁州甲辰征進萍鄉虎背寨茶陵州調征湖廣岳州乙巳三月奉敕守禦吉安吳元年三月調除南昌衛副千戶五月隨征福建洪武元年克建寧等處四月扈從車駕幸北京陞河南右衛正千戶閏七月收信陽光石礮等處寨克王保保軍十月調守陝西七年陞廣武衛指揮僉事調守潞州十一年陞特進榮祿大夫中軍都督府尋以疾乞致仕後封流伯永樂十二年卒輟朝遣祭卹典優備

後軍都督府都督僉事高顯傳

高顯梁縣人歲丙申上駐師太平顯來附從定金陵鎮江攻下常宜池睦婆衙凡取江右湖廣淮東浙西歷陞指揮僉事丁未盡克山東沂州益都濟寧等處洪武元年平東昌樂安陞指揮使還守濟寧大軍克汴梁下河洛破關陝回取元都閏七月己酉從克長蘆師至直沽河西務戰敗元兵進薄通州元主及其后妃太子北走八月庚午克元都併取薊門永平二年從破開平三年上分封諸王慎選輔弼以顯爲燕府左副冬十一月命兼大興右衛指揮使五年

副征沙漢有功九年改寧川衛十一年從征松慶邊
等州松州既平城其地請立軍衛置松州衛指揮使
司降甲設官領軍戊守十二年陞大都督府都督會
事未幾改僉後軍都督事十三年九月辛亥卒追封
後陰侯謚武肅

左軍都督府僉事何德傳

朱睦㮮

何德者光州人也至正末太祖龍興德仗策來歸從上定江左諸郡轉征吳楚屢立奇功授驍騎衛千戶吳元年七月沅陵人向珍入作亂德率兵討之至官屬嚴珍入以衆逆戰德擊敗之進拔其寨而斬珍八八月逆黨周文貴率划船三百餘艘復攻辰州德使別將與戰於西門外自將輕騎直抵其寨攻破之獲張千戶等百餘人文貴退保麻陽德追擊之又俘其萬戶等四十四人文貴遁去是年拜虎賁右衛指揮事既定中原陞指揮同知率兵守遼東召還改

虎賁右衛指揮同知尋權大都督僉事洪武十三年
改立五軍遂爲左軍都督僉事十七年扈從北征還
七月己亥以疾卒于家年五十二賜葬鍾山之陰追
封廬江侯謚莊毅

論曰明興諸將乘風雲之會勒彝鼎之勳何其盛也
及考其能保終始者則彭廬江從定中原戡平江左
其功烈不謂不著矣而又榮膺爵號白首令終澤及
子孫無可瑕指非悖謹者能爾耶易稱明哲詩贊于
城若廬江其庶幾矣

中軍都督僉事徐司馬傳

司馬御賜名字從政世爲揚州人元季兵亂司馬生
九歲無所依 上得之養以爲子既長出入侍左右
屢從征伐有功歲癸卯除總制守金華吳元年授金
華衛指揮同知洪武元年同曹國公李文忠北征獲
故元宗王慶生三年十一月陞杭州衛指揮使十二
月以本衛爲都衛陞都指揮使九年遷河南都指揮
使十九年正月入覲陞中軍都督僉事二十五年冬
率師征越雋還至成都以疾卒司馬好文學接人溫
然謙恭爲政以惠愛爲先所至撫綏士卒拯卹貧困

甚得人心尤敬士大夫公事之隙退居一室講論終日蕭然如韋布之士自少富貴家無餘貲人稱其賢云

左軍都督僉事王珪傳

王珪合肥人慷慨有大志少時爲淮西廉訪司隸卒見官長儀衛尊崇輒慨然歎曰將相無種在人爲耳及元末兵亂募集鄉民守廬州自稱萬戶上取和陽珪自廬州來歸遂從渡江克太平命珪仍爲萬戶守太平積功陞左軍都督府都督僉事子安富從上征婺州守南陵取潛山擒獲甚衆攻安慶被創而死仲子安貴從征江州亦戰沒至是珪以疾卒季子寬築職未幾亦卒

右軍都督府僉事袁義傳

袁義廬江人本姓張功臣張德勝弟初名四爲雙刀趙總管守安慶敗趙同僉丁普郎於沙子港左君弱招之弗從庚子閏五月德勝追陳友諒於采石戰死始來附命爲帳前親兵元帥賜今姓名辛丑從征友諒擣安慶江州壬寅下南昌授管軍千戶癸卯攻廬州殲友諒於彭蠡甲辰七月克廬州十月廖平章征桐廬義烏部將俘僞吳兵丙午三月投鎮江從上于巫子門擊吳將敗走八月討浙西德清湖州丁未攻蘇州從取通州陞僉典武衛指揮事隨征中原沂

州益都濟南東阿拔之洪武元年取東昌河南陝州
潼關衛輝彰德磁州廣平臨清長蘆直沽河西務敗
元平章俺普達朶兒只進巴奪通州破元都同曹良
臣追元宗室至龍興克永平逐北也速借薛右丞下
保定從取太原于澤潞擊賀宗哲唐同獲其人馬略
西京二年克鳳翔鞏昌安定會州敗小豫王於石小
道大豫王與諸將合慶陽張良臣以兵薄義營義
堅壁徐乘其困攻破之三年劉王保保替取興元陞
本衛同知四年調羽林衛總領官軍防送馬都指揮
渡海鎮遼五年統兵海捕倭十四年勅征雲南克

命太
醫院
梁其
亦一
奇

昔定曲靖善聞大理楚雄等處有功十五年鎮楚雄
時虜累叛義積高壘調兵力戰虜遂遁去陞楚雄衛
指揮使二十三年入朝 上慰勞之且惜其老命太
醫院爲梁其鬚髯俾回撫治以威遠人特賜銀印與
掌以寵重之三十二年陞右軍都督僉事卒于官于
梁襲府軍左衛指揮使

前軍都督府都督僉事耿獻傳

忠節錄

耿獻長與侯炳文仲子官至後軍都督僉事靖難兵起與江陰侯吳高及楊文率遼東兵圍永平不克退保山海關吳高被間奪兵徙廣西楊文守遼東獻數請攻永平以動北平文不聽靖難後獻論死

都督僉事呂毅傳

實錄

呂毅河南項城人始爲濟陽衛百戶上靖內難毅從征伐數立奇功積官至都指揮同知永樂三年陞都督僉事與黃中同練兵廣西又同以兵送前安南王孫陳天平歸國中違上指使毅不能爭敗績於雞陵既皆宥其罪仍本職從征以毅過薄命克厲勸將軍交趾平毅與有勞命掌交趾都司事毅沈深有勇略與賊戰深入陷陣死焉

右軍都督僉事趙清傳

趙清鳳陽定遠人性伉直洪武中以軍功積官至北平都指揮使陞後軍都督僉事致仕上之舉義也建文君命清守彰德上兵至城下遣人名之清對使者言殿下至京城日但以二指許帖名臣臣不敢不至今未敢也上不之罪暨即位名清遠以先語仍命以右軍都督致仕而官其子爲指揮至是卒上及皇太子皆遣官賜祭賻以布帛

前軍都督僉事謝公彥神道碑 李景隆

公諱彥字子超姓謝氏世爲鳳陽府鳳陽縣於皇聖
人幼失怙恃鞠育于外家因以孫爲氏故元之季兩
淮兵興公募集義勇圖保鄉井歲辛丑秋七月乃將
其兵南渡大江從 太祖皇帝破安慶克江州于時
僞漢陳友諒盜名宇置官屬據爲兩都至是始奔武
昌公以功授義兵元帥癸卯春三月由安豐進攻廬
州九月援荆衡歸峽等州乙巳冬十一月取通泰州
甲辰春二月徐宿濠泗穎五州淮安高郵安豐三郡
百入版圖秋九月轉攻湖州冬十一月圍僞吳張士

誠於姑蘇丁未春正月 太祖皇帝卽吳王位巳四年始以丁未爲吳元年從大將軍中山武寧王破粘蘇忸士誠公又以功陞掌羽林環衛賜以良馬復徙往山東克沂莒密州遂入青州走故元平章擴廓帖木兒洪武元年戊申春正月 太祖卽皇帝位公駐軍東昌進階武略將軍尋敗故元平章阿普軍取河南通務等州秋八月中山武寧王奉詔統兵攻北平公與在行故元順帝旣遠遁而燕薊永平保定真定中山以次悉平遂乘勝取山西大同太原二年巳酉春三月西破潼關故元平章李思齊棄輜重引兵奔

鳳翔三月庚戌公從中山王駐軍陝西列營長安城
北平章王武率其官屬士民迎降夏四月取鳳翔卽
追降思齊于鞏昌遂破臨洮延安平涼靜寧莊浪開
成六盤等處而秦屋環三郡亦望風而靡慶陽守將
張思道率兵拒戰凡閱月而思道敗走公復從中山
王還軍臨洮會故元河南左丞相擴廓帖木兒來襲
我軍王率大衆亟與決戰旣敗之于臨洮復敗之于
定西橋殲其將校驅殄其士卒無算擴廓帖木兒引
殘兵北遁四年辛亥夏五月調公守禦處州陞應天
衛指揮僉事進階宜武將軍五年壬子春正月移守

朔州復征和林六年癸丑秋八月敗故元兵于朔州
之北獲其將知樞密院張寶院使哈刺八都叅政高
善并其所部兵衆九年丙申春三月進軍寧夏敗廼
兒不花于賀蘭山收其胡兒番婦駝馬牛羊而還十
年丁巳轉廣威將軍二十年丁卯特陞僉前軍都督
府軍事賜綵幣萬匹黃金百兩白金百兩及甲第一
區減獲數十輩命公征討雲南廣西龍里諸部二十
二年己巳秋八月還朝賜以誥命授驃騎將軍二十
三年庚午春詔湖廣都司訓練官軍至貴州置新添
衛二十五年壬申更給新製之誥九月公赴山西籍

民丁爲軍置天成東勝二衛二十七年甲戌春三月
十二日 太祖皇帝御奉天門召公慰撫之眷倚甚
特賜犀帶命復其姓爲謝氏明日以其季子達入覲
卽除散騎逾月而還尚汝陽公主拜駙馬都尉有玉
帶金帶襲衣鞍馬之賜長子忠復授典武衛指揮同
知三十一年戊寅公得末疾乃致政家食甫二歲而
卒享年六十有九自昔一代之興必有虎臣碩輔豪
傑之材以翊扶昌運至於功成治定而尋常鐘鼎之
銘河山帶礪之哲俾與國家相爲悠久夫豈易得哉
若公以篤厚之姿勇果之藝盡瘁效忠而致位將領

斬關陷陣塞旗先登與夫首誠之獻不可以數計至
於鳴劍伊吾之山飲馬捕魚之海踐霜雪絕餒糧凍
餒破瘵皆身歷之故能簡在宸衷光承天寵身居宥
府子爲駙馬克享榮祿以致考終豈偶然哉先武靖
王與公逢與王之運固必戎旅二十有餘年子又辱
公同朝而與駙馬君杰同戚里及爲是銘

都督僉事崔聚傳

實錄

崔聚鳳陽懷遠縣人初從太宗皇帝靖內難以功累陞薊州衛指揮使永樂八年扈從北征敗虜寇于廣漠戍陞河南都指揮僉事洪熙元年陞右軍都督僉事是同柳升等征交趾升死聚敗聚斂兵復戰力不能支爲賊所獲強聚諭衆降聚不屈賊百計強聚降終不屈賊遂殺之

左軍都督府都督僉事王公瑜神道碑

楊士奇

正統四年八月十七日左軍都督府都督僉事王公瑜以疾終于通州之驛館計聞上悼惜遣禮部尚書賜祭加賻勅有司治喪葬京師親王遣祭公侯六卿皆詣弔祭既葬其子衰經奉其弟壇所述事狀隨門泣拜求書墓道之石余爲之歎曰忠義爲臣之大節如王公之挺特獨奮忘其身以爲宗社計豈非卓然大丈夫哉公字廷器始代父長五十夫避隸趙簡王護衛永樂癸卯五月太宗皇帝微不憚數日

未出見羣臣 仁宗皇帝在東宮軍國政務悉啓關
施行邪僻傾險之徒不得騁其私戚所不便簡王時
雷北京敬修孝弟其護衛指揮孟賢等十數輩潛結
層官王射成等及內侍養子共構邪謀欲俟 宮車
晏駕矯詔從中出立簡王而已得志焉實秘不令簡
王知蓋慮不從卽事敗蓋粉而尸其謀者公姻家高
以正布置已定高密以語公公駭曰此天壤間極惡
大罪鬼神所不貸者奈何甘爲覆家滅祀計高不聽
又涕泣戒之高怒而處其泄也謀害之遂詣闕入疏
上覽之初疑其詐 三書 自是反覆詰難衆

公危公辭乙不少挂既捕賢等至 上親問狀得其
邪謀本末及所造偽詔立誅以正射成及內侍養子
陞公遼海衛千戶後賢等皆伏誅名還又陞懷遠將
軍錦衣衛指揮同知有 旨戒其同官事必關白瑜
勿謾公正直坦明每事求大體所隸官校心歸之無
間言見知於 上宣德中陞都指揮僉事僉署左軍
都督府僉事亢左副總兵佩漕運印總督江南民賦
之論北京者兼守淮安正統初實授驃騎將軍左軍
都督府都督僉事在淮安承平江伯之後謹守其道
法不變展誠布公虛已從善處同官能讀淮安兵民

驍處橫兵素怙勢厲民公至首下令禁戢爲政重倫
理有富民親在而與弟競產訟於公者公曰爾富而
委親之養於弟而又訟弟孝友二行皆缺矣杖而斥
之人服其明臨政務寬有二卒盜敗舟一板臬司坐
盜官物抵死以質公公曰兩卒之命抵一敗舟板耶
改坐不應乎恕多類此好以義感人有婦翁以白金
畀翁壻爲市取息者壻不善市不能償索之急欲自
經翁執以告又有自顯官歸資家豐厚其弟有宿逋
資不能償索逋者急弟乞償於兄纖芥不得公聞之
皆爲代償荒歲發廩多所賑活嘗覽農桑撮要歎古

人用心民事遂益其所未備者十數事刻梓以傳南
有浮圖人鼓其師之說所至惑民淮安典兵者與之
暱爲建利居之而廣致地爲民厲公咎浮圖人逐之
悉復民地淮人死不葬焚屍而委於水公相城外多
空地畀民以葬遂革焚屍之俗築室所居之側延師
以訓武臣子弟閒暇躬往督勵如己子弟然亦時然
郡縣學敦勉博士弟子喜近儒生與講論前言往行
至忠義事慨然有嚮慕意若涉悖亂卽義形於色宋
居敦孝悌之行仁其族姻周且厚所至以愛人爲心
雖貴嚴於自守於利不一毫非分取服用清約門無

私謂公勤於公雖病不廢至是以計事詣北京力疾
入見又明日出視漕舟竟不起享年五十有七淮安
山陽人

驃騎將軍左軍都督府都督僉事許公亨神道

碑

楊榮

惟勳舊重臣任連率之職克以清慎自持公勤事國
寬厚御下榮名壽考底于令終者吾於驃騎將軍左
軍都督僉事許公見焉公諱亨字士通世家鳳陽定
遠父得從 太祖高皇帝起淮甸以功累遷都指揮
僉事洪武丙子公以父蔭爲燕山右護衛指揮僉事
已卯調開平備禦已而還京調廣武 太宗文皇帝
舉義靖難兵至維揚公卽來見 上嘉勞之遂拜都
指揮僉事賜之綵幣鞍馬命守和州未幾俾任北平

都司事撫馭有方士民安之歲庚寅受命董治長陵
經畫措理得宜人樂趨事而忘其勞 上嘉其能進
都指揮同知是冬調掌金吾右衛事尋仍董前役先
後凡八年勞績爲多丁酉進都指揮使出鎮浙江浙
東南巨鎮海寇時或竊發公至擇人守屯堡時訓練
寇遂屏迹居民以寧歲調兵士潛運給京師分番更
代立成規私不容髮以是勞逸均而餽餉及期至於
繕治城郭堅利甲兵戒飭軍士毋爲民擾尤悉其心
故兵民相安而市井晏如也 今上皇帝嗣位以公
歷事累朝克效忘勤特遣使賜以勅書白金文綺拜

左軍都督僉事仍掌浙江都司事公益威 上恩矜
殫厥職比累陳年老乞致仕 上以公耆舊且精力
未衰不允所請正統戊午六月二十有九日以疾卒
於官享年七 有四計閏 上悼惜不已遣官諭祭
仍勅有司治喪塋事

驃騎將軍南京後府都督僉事張公通墓志銘

劉定之

公諱通因以爲字姓張氏其先家鳳陽祖父能以
太祖皇帝里中子弟起兵從渡江定天下累功至湖
廣岳州衛百戶旣老以其子政入見帝惻然念其
前勞未盡報擢政府軍衛副千戶不數日復擢山東
平山衛指揮僉事賚以金幣衣服鞍馬後終于平山
卽公父也公旣襲父職同官有繫獄京師者公憫其
貧遣卒往餽之坐累奪職久之太宗皇帝召試武
藝中程復職改天津衛天津去北京數百里京畿諸

水流而南中原諸水流而北皆合于此以入海有事
于京者溯汾潞泊舳舻常千萬出衛城下衛以故號
爲最雄劇公居之有聲績時方作治北京 官闕以

公分董卒匠護作連年從 駕征北虜初出至雙泉

海子再出至半壁山三出至洋河四出至洮兒河皆
有所俘斬從 宣宗皇帝征漢庶人至武定州平之

繼又屬陽武侯薛祿敗北虜於偏相嶺好草店前後

屢賜楮幣文綺白金 於是 今皇帝 擢公都指揮 兼

騎將軍 後府都督 兼 事 右 參 將 因 留 守 邊 後 還 京 師
以 本 官 統 兵 宣 威 營 未 幾 罷 天 順 改 元 仍 舊 職 往 南
三 年 賦 之 明 年 戊 寅 七 月 十 五 日 卒 年 七 十 有 一 計 開
國 一 日 遣 官 致 祭 賻 葬 之 焉 悉 自 官 給 還 葬 于 天 津

左軍都督府都督僉事董公良墓志銘

楊守陳

公諱實字世宏姓董世爲安慶府懷寧縣人曾祖成
元從我太祖渡江功未究而歿子真保以功授
燕山左衛百戶從太宗靖內難歷官明威將軍指
揮僉事死夾河之戰子智代之特進昭勇將軍大同
中屯衛指揮使徙治河間皆以公貴贈驃騎將軍左
軍都督府都督僉事祖妣袁氏妣余氏皆贈夫人公
昭勇之仲子生而駢脅鐵面背力絕人性沉毅寡言
笑識者以爲不凡稍長從師涉經史誦金版六經尤

習且善騎射一時軍職子無及也兄宜代父職而早卒無嗣公乃繼襲敷政訓戎吏士咸服每境內有劇盜輒控弦從以數騎手殪之而返正統己巳虜入寇吏科給事中陳襄毅公上章薦其公勤智勇名赴京師廷議大發兵襲虜公方言國兵新勦賊勢方張不若自守以固邦本賊內不得戰外無所掠必將自遁少保于公亟納其言時舊降虜安置畿內者竝起爲盜于公請進公署僉都指揮事將一軍自京師抵河間徇捕之且督操河間滄陽大同三衛兵盜聞解去尋被勅鎮河間弛張軍務深協時宜而尤以端嚴自

將親族無敢撓法者河間地瀕水善墾公經營繕葺
增重門及樓櫓皆鞏壯殊舊居人賴之景泰癸丑召
還督操神機營中軍乙亥從南和伯方忠襄公征湖
廣苗賊銅鼓五開賊尤熾公擊之經四十餘戰皆捷
進至樓羅檜網二寨山益險惡衆驚顧莫敢前公奮
勇先登不終日克之以奇功獲重齊實授都指揮僉
事班師復官天順改元 英宗復位神機大將蔡公
年勞當陟署僉左軍都督府事忤被命與諸公度較
射矢發皆中屢蒙賞勞異日 上指公謂諸將曰此
黑而都督最善射特賜楮幣二千辛巳逆賊曹欽夜

犯關公聞變急率麾下士邀賊于西長安門外賊已
東奔赴家特詔公追戰比曉諸將畢會公請以神
攻其家遂破擒之乃實授都督僉事尋被勅總督揚
州諸路備倭官軍開府于吳屬將士嚴斥俟簡修
船戎器威令赫然震海表暇輒延儒禮士凡武生與
鄉選者厚贍之肄社學者亦蠲其徭役賢聲用彰
今上嗣位賜勅勞以白金綵幣尋復賜勅兼督常州
及蘇州通泰諸路時鹽賊竄厚科衆偕號江海公責
圖刻期分道進兵策賊敗必走江北嘹角甯檄巡鹽
御史伏兵數百爲援且曰如約則當捕賊無餘不然

且逸其半已而失約公獨以其進獲厚及其黨數十人餘奔寮角嘴其料敵若此癸巳以疾得請還居京師閱十有一年而卒時甲辰八月一日也享年七十一上聞訃悼惜命有司諭祭且給麻布齋糧管冢墓臨葬復諭祭焉公少孤事母夫人孝母患風疾日跪奉湯藥三月不懈母飯餘輒取而啜之疾瘳乃已人以爲難諸子皆訓之禮義無敢席寵怙侈者平生飭躬惠衆講武尚史庶乎古之所謂良將者矣

征西將軍鎮守寧夏後軍都督僉事周公璽墓

志銘

李東陽

公諱璽字廷玉姓周氏其先本永平遷安人伯祖亨
洪武初內附授燕山護衛指揮使賜田宅因家東安
祖斌永樂間以靖難功當擢都督讓兄子或考諱英
宣德間坐累謫戍開平衛累功擢都指揮同知寄隸
府軍前衛成化丙戌以老謝事公代爲指揮使辛卯
征北虜以功擢署都指揮僉事用薦領十二營襲令
率統五軍右掖戌戍勅克右叅將分守賜和庚子與
威寧海功進都指揮同知調大同副總兵辛丑以累

自墩功遠都指揮使壬寅以黑石崖功署都督僉事
癸卯虜酋亦思馬因大舉入寇分兵三千守懷仁賊
逼下米莊中軍失利公還兵內援夜忽直賊營時賊
乘勝勢甚銳公大呼厲將士曰今日之事有進無退
退則無遺類矣衆爭奮無不一當百銳督齊發呼聲
震天地賊少良久又突入短兵接公臂中流矢卽令
左右拔其鏃督戰益急與其子鵬及死士數輩斬獲
十餘級會遊擊將軍劉寧兵至合爲一營中軍潰卒
多來歸兵勢乃振賊旣退失律者皆得罪錄公功進
都督僉事甲辰改元克總兵官鎮代州兼督屬門三

關弘治甲申移鎮陝西庚寅命克總兵官佩征西將
軍印鎮寧夏甫一歲議修邊備爲久遠計偶得疾召
諸子曰吾生獲佩印分閫分已足無所復望獨未嘗
大破醜虜爲朝廷報抱恨死矣瞑目絕忽大呼曰好
殺好殺遂瞑是爲辛亥七月十五日年四十有二公
負氣蒞事斬斬尤精騎射知兵習戰近時論邊將者
必指屈焉葬都城東其名曰魏村社之原

中府都督僉事都勝傳

陳鎬

都勝字廷美其先河間寧津人父忠以蔭改南京羽林左衛指揮僉事生勝年十五入武學讀書綴文與儒素等江東名士樂與之遊守備大臣聞之俾守上元門有以私貸屬者立寘于法衆益賢之遷大教場管軍操備天順己卯委把總舍人營甲申改總小教場步隊中軍成化乙酉改都總大教場馬隊是年冬改都總操江擒獲鹽徒劉奇于丙戌漕運總兵奏委把總南京漕運興革利弊軍便事集丁亥用大臣薦陞都指揮僉事戊子奉勅守備儀真軍務嚴整盜賊

屏息而廉慎詳密百廢具舉真民畏愛之壬辰奉勅兼管揚州高郵地方癸巳春鹽徒金藩等犯嘉定上海奉勅兼管備倭賊徒聞之散去是年冬賊徒復乘巨艦數百欲犯江陰率衆捕獲之俘獻于朝丁酉年漕運總兵平江伯陳公薦勝奉勅克叅將協同漕運仍鎮守淮安地方乙巳山陝饑奉勅運米百萬餘石往濟之是年平江內擢丙午都督王信卒兵部奏勝代之奉勅陞署都指揮使挂印克總兵官提督漕運兼鎮守淮安丁未冬陞都督僉事銓註中府屢疏乞休致不許優答之弘治甲寅懇乞骸骨以南京前府

希俸間住在官五十七年所在懋著聲績爲時名臣
己未冬卒于家賜祭葬如例勝居官廉潔臨事恪慎
歷官六十餘年自奉甚儉人以其日食豆腐一味往
往以都豆腐稱之

右軍都督府僉事彭倫傳

彭倫永定衛指揮爲人多謀略率先計復戰成化二年茅坪苗叛倫守備清浪總兵李震檄倫討之十一月進至天柱其天堂諸苗皆詣倫降進攻茅坪拔其寨爲營壘分兵沿江諸小寨次日連攻赤溪寨直黃峰等寨皆捷前後斬首七十七級生擒四十三人引還三年春銅鼓苗叛倫會諸軍夾攻天堂黃栢等寨破之斬首五十級生擒四十人并獲牛馬以歸二月至自銅鼓邏者報苗出沒西溪高寨諸處倫按狀得實卽令指揮王雄哨段家屯錢宗玉哨龍塘鐵堅出

龍塘與鎮宗玉會賊驚曰彭家軍四面至矣遂逃去
賊復出覓貢溪倫軍邀擊之賊敗斬獲甚衆初倫從
總兵趙輔破兩廣賊有功至是陞都指揮使仍守清
浪五年天柱浦洞浪江水界屢有警倫命指揮江果
次黔陽安江金祥出辰溪淑浦尹利出鎮遠馬場與
守備永定平蠻大勝等堡指掉朱海等合仍令沅州
衛操習軍馬以爲應援賊聞不敢出四月賊入乾溪
長衝殺人奪牛畜報至會鎮遠府通判陽裕起集甲
水施秉民兵次松明自率指掉尹昶等繼至時賊方
聯舟洪江有所營爲聞官軍大至窮蹙請還所虜牛

畜與盟而退倫以邛水等處賊入境輒因各寨不卽遮格以致滋蔓乃檄所司曰凡賊入境諸司能獲一人者重賞其有不卽遮格致誤地方者當置諸法於是諸司各勅所屬凡遇生苗入境皆緝至帳十一日就牧場盛陳兵衛令所部目犯人等來引前所縛苗審曰某人入吾境殺某人某入吾境掠某人牛畜當死衆曰然卽置之竿頭令騎士交射殺之復割裂肢體置大鑊中烹熟令壯士啖之衆苗皆股慄復引審曰某故違軍禁入境罪亦當死苗叩首請命衆救解之因令截耳鼻使去曰以此爲識再來吾不活汝矣

因勅諸寨分各樹界牌自是衆苗轉相告戒不敢犯
界六年詔以倫克恭將倫益直心邊事謂雲貴以鎮
遠爲門戶鎮遠以邛水爲襟喉乃修築蕩洞堡以保
居民復築硃砂平陽關口羊兒四堡以分遏諸苗來
路及衛堡城垣單薄皆令增高益厚嘗移文湖藩務
足三年糧軍不足乃選屯種及在衛餘丁幫補操習
器械未修令軍士歇班買辦及自出新樣令依式爲
之一時軍容大興十一年妖賊石全州詐稱明王子
孫潛入絞洞號召古州人萬諸爲逆而一時洪江甘
象龍阿龍俸苗皆應之宣言往南京卽王位選者以

皆倫遣人候得要領知全州某日自絞洞入鬼麋寨
警衆密遣指揮鐵堅督浦洞土官楊玉宜設伏蝦蟆
塘以待獲全州馬并搜獲其妻孥及所造妖書旗甲
上之地方以享十二年春古州苗糾洪江甘篆諸酋
以取明王爲言期先破浦洞北出沅州居民驚皆遷
家內徙三月賊攻浦洞不克明宣言出鎮遠鎮遠告
急倫命各指揮領軍分布要害荀文尹和駐邛水許
瑾史忠及鎮遠推官楊忠駐得明陶侃駐八弓張英
與張官舍人何瑜駐金浦自統人馬駐關口以當賊
衝賊果出鎮遠英與倫兵寡自設伏待之大戰乘隙

建北斬首六十級其餘墮崖壑死者無算未幾卯水
十四寨張家苗老草墮等僭號侯土糾洪江生苗謀
奪軍民田地倫曰地方所繫也不可不密爲之計乃
議出軍賊之命指揮鄭恂等分五山土官楊忠等皆
率土兵以從軍發兩下如注倫曰賊必以爲不出急
攻可得意也於是刻期竝進四面夾攻就障生擒苗
老草墮并男婦二百五十餘口餘匪崖壑并搜捕斬
之遂平張家苗全軍而歸時天柱苗叛勢尤猖獗平
蠻將軍李震移文請合軍進討倫率所領馬捕官軍
并名諸土兵應之九月軍出卯水江頭諸熟苗皆疑

欲遷去倫與僉事李冕計曰苗遜必助賊爲變因檄之曰軍討叛者非討歸順者汝孰苗宜自安苗乃止時天堂小坪諸苗皆請降倫聽之十月軍至天柱兩連日不止軍不果進靖州叅將高瑞駐遠口見賊勢盛造人趨倫倫夜赴之江暴漲不可渡因隔江舉炮鳴金鼓以應之賊聞之氣奪遠口軍亦安次日倫取徑路出賊背後布營賊占高山倫率官軍卽攻之賊敗走倫渡江持賊巢穴賊取棘刺遮道官軍排之而入與賊鬪又敗之擒獲男婦三百餘口牛羊犴畜無數時左哨軍循地路進倫獨以右哨當之倫告諸部

將曰今賊巢已破乘勝攻白崖塘特易耳白崖塘者
崖石萬仞下臨深江苗寨號稱絕險 國初累攻不
下乃會左哨軍同進偶得樵者示徑路官軍就夜攀
緣而上及旦布滿山顛砲聲四發賊倉皇驚潰官軍
追殺斬首二千餘級生擒男女二千五百有奇蓋自
用兵以來未見全捷如是者也初臻剖六洞苗占熟
苗田不認納糧馬有司莫敢誰何倫謂白崖塘旣破
六洞苗皆震恐遣指揮張英往諭之果請納糧馬不
從糧一百四十一石馬三十四是年澤右軍都督
府念事克參將如前弘治元年格鎮貴州兼提督平
清等處四年倫年踰七十歎曰功成身退村人天道
吾何求哉遂上疏乞骸骨詔許之以原官致仕歸卒

驃騎將軍後軍都督府者督僉事李公銘墓志

銘

程敏政

弘治甲寅夏六月二十有一日後軍都督府都督僉事李公卒于家計聞上爲之悼惜命禮部諭祭工部營墳京府給齋糧麻布如制公諱銘字自新世居山東鄒平之醴泉鄉曾大父土成贈武略將軍管軍副千戶妣柴氏贈宜人夫父子祥以布衣從文廟靖內難授武功中衛副千戶父海嗣武成後衛副千戶竝以公貴贈驃騎將軍後軍都督府都督僉事祖妣劉氏妣邢氏竝贈夫人公生四歲而孤邢夫人爲

請世祿孳歸鄒平教育之至正統己未始上京師嗣
父職時公年踰弱冠卽負氣侃侃日從人習騎射讀
書史思亢其宗正統己巳虜入寇都城公從大將軍
拒戰德勝關陞正千戶景泰庚午從追虜于大同時
白馬城及雷公山虜騎蔽野衆莫敢櫻公與偏師轉
戰不懾至代州復遇賊先登陷陣還論功陞指揮僉
事居久之用薦蒞衛事兼練士京營以勤恪聞天順
辛巳秋逆欽犯闕勢張甚公時隸五軍急號召所部
士夜詣總戎者分道與戰斬其黨賊就戮陞指揮同
知成化丙戌舉將才公在選中陞署指揮使川貴山

都掌蠻亂久不下朝廷大發兵擊之軍畢節而蜀兵
爲賊沮于瀘江不克進公冒險往迎之軍大振復自
率一軍入搗大穴塘連破之燔其寨數十遂抵大壩
大壩者賊巢在焉由是諸蠻悉平公勞居多會有妒
其功者僅實授指揮使己丑夏從西征獨將三千人
爲前行破虜雙山堡又追敗之于開荒川還所掠丁
男生口甚衆陞都指揮僉事辛卯冬克右叅將分守
燕河營諸處居八年進署後軍都督府都督僉事克
總兵官鎮薊州永平山海諸處薊東北重鎮亭障久
多廢不治公歲加修塞刻峻堦險踰數百里屹成巨

防而喜峰口者朵顏貢道也既入墳山關猶俾露宿
殊失柔遠之義公爲造大屋三十八楹以居虜使又
立墩臺築石垣五百丈以謹防戍督民耕邊田采野
食以備荒選精卒躬團練之以備戰又以其餘力祠
名臣以勸有功置戎醫以濟病一方戴之若父母而
公自以年至請罷 上知公先朝宿將慰留之又五

年用 建儲恩實授都督僉事賜誥追贈二代公復

上章懇辭始獲還京師時弘治壬子也公早

夫所拉
事母夫

人極孝謹居喪哀毀嘗請于朝乞解官持服不果行
性不嗜酒與人恂恂苦需生而御軍嚴整不可已所
至有功同時列校號材武者究其歸率自以爲不及
課者千諱享以時書斥執綺之習公卒年七十有二

驃騎將軍右軍都督府都督僉事李公杲墓志

銘

程敏政

公諱杲字明遠其先起西陲自宋元來世有西寧之地至公祖南哥當國朝混一初首率衆內附太祖高皇帝嘉其誠俾同知西寧州歷官西寧衛指揮僉事父英嗣其官事太宗文皇帝屢從征伐以功封奉天翊衛宜力武臣特進榮祿大夫柱國會寧伯母夏氏封會寧伯夫人初會寧公爲將有威名坐累失爵而卒公年甫十二母夫人上書懇其功英宗睿皇帝惻然念之授錦衣衛指揮同知未幾有詔錄

勳臣復復進都指揮使 憲宗純皇帝即位之明年
舉將才尚書姚文敏公以公名上進左軍都督府署
都督僉事分練五軍管專用兵部言蒞右軍都督府
事是歲秋大閱立團營十二又領振威營公文在散
地一日被廷薦受 簡知於士馬訓習戎務張弛殫
厥心力聲稱翕然庚寅歲侵畿內盜起詔侍郎葉文
莊公等三人往綏輯之癸巳監修禁城己亥督治盧
溝河決而山後以回祿變告勢及 四陵復詔公發
衛近兵撲之公每受命寢食不遑務竣事乃已而
先帝亦賜賚優渥同官者不及也庚子中貴人汪直

來監十二管奏罷公仍分練左掖軍又用中貴人張敏言罷之而尚書余忠肅公言公可用乃公練神機營公上疏請罷不許乙巳請告展墓許之公至西寧治別墅自號松巖拙叟思終老焉逾年不至詔兵部檄陝西守臣從公始入朝今上皇帝嗣位初再上疏請罷亦不許壬子用建儲恩實授都督僉事而公已抱疾不可出矣癸丑夏五月十五日卒于正寢計聞上悼惜賜棺槨齋糒麻布遣官諭祭者再凡一切葬事悉從官給臨壙葬年及再葬詔亦遣使祭焉公爲人簡晤沉着讀書尤工筆札所交一時名

人誓必嗣其先烈而遭時承平不克自見結佐五府
典列管三十年自壯至老持已矜嚴守官介慎雖與
時忤不恤亦可謂世勲之臣者歟公享年六十有四

左軍都督府都督僉事前挂印克總兵官張公
安神道碑

正德戊寅二月甲子公既卒於大同致政之私第其
子副總兵協同鎮守大同都指揮同知觀大同左衛
右所正千戶帆將葬公于郡城窰子岡祖塋之次公
諱安字定之姓張氏直隸和州人高祖興累從 高
皇帝征伐校大同左衛百戶曾祖考政祖考澤正千
戶考英指揮同知後以公貴推恩三代考俱贈驛騎
將軍都督僉事公於成化某年以神木等處功陞指
揮使再以前威寧海子功陞山西行都司都指揮僉事

又以守備大同左衛地方功陞都指揮同知加都指揮使弘治己酉改守備朔州又守備天城庚戌奉勅克大同遊擊將軍乙卯克副總兵協守寧夏從賀蘭山境搗虜陞都督僉事挂靖虜副將軍印再挂鎮西將軍印俱克總兵官鎮守延綏屢有白金文騎嫌衣之賜正德戊辰以寧夏有警挂征西將軍印己巳以大同有警復挂征西前將軍印俱克總兵官鎮守其地庚午己年踰六十疏乞休致既得請遂優遊林下里十年而始卒距其生正統甲子享年七十有五洪惟我國家右文尚武守在四夷至西北二邊選

用將帥尤難其人有如公者生長代北天資疑重家傳韜略才兼智勇結髮與虜人戰常衣皂甲乘黑馬執鐵簡出入敵陣往來如飛人以張翼德尉遲敬德比之尤能簡練士卒知幾料敵自偏裨至鎮將四五十一年間大小數十餘戰未嘗敗北前後巡撫總制多以可大用薦之大司馬馬公以爲天下鎮將第一我孝皇尤喜任之我皇上以來方以邊事倚重公而公則引躬求退矣豈不惜哉然公遺績在邊陲勳名在國史餘慶在其子若孫今親身自積功歷陞副將卓有令望足繩前烈他日兄弟所樹立皆未可量

也是豈非忠孝之報也哉公計聞 上悼念不已賜
齋糧五十石麻布五十疋命工部如例治葬事自聞
喪至周年遣官諭祭者五稽之故事尚當有崇報之
典云

副總兵都督僉事馮楨傳

馮楨正德七年三月以追賊死河南賊自西平之敗
由上蔡商水走延撫都御史卞章等伍於一勝過汝
寧朝王宴飲連日賊得招集散亡勢復猖獗攻郟陵
西華長葛新鄭汜水鞏等縣所過殘害遂至河南府
圍城三日諸軍始追反之無復郟陵賊乘我軍威屢
率衆迎戰恭將金輔懼不敢渡河及副總兵時源
恭將神周方列陣而恭將姚信所部京軍馳越楨前
矢利先遁賊見陣亂衆突至楨下馬力戰死焉事
聞兵部劾奏璋等偵軍失將俱宜重治詔停殮休令

戴罪殺賊源周輔信并紀功御史雷宗階降勅切責
俾圖後功既而給事中吳玉榮復劾信罪乃併停其
俸而贈楨洛南伯并賜謚祭葬于大金襲陞都督僉
事楨舒城縣人由綏德衛軍累功至都指揮僉事克
忝將分守寧夏西路真鑄之變楨及協守孫隆等馳
奏告變事平陞署都指揮同知此以勦賊微至河間
忽與賊遇督所部屢戰下令毋顧首級毋食所遺輜
重追奔數十里遂大勝斬獲數百人守論功陞都督
僉事是役也特以後獲勿微遂遇害明年是日活死
作又明年是日亦如之洛人乃往伊府奏聞勅立所風沙大
洛濱每年以是日致祭楨忠勇過人蓋一時名將也

征虜前將軍左軍都督府都督僉事西溪劉公

淮基志銘

岳倫

公諱淮字溶之號西溪山西太原代州之崞縣人洪武間高祖曰的賢者調戍宜府前衛因家焉曾祖翺累功陞本衛指揮僉事太原劉氏家世自翺公始翺生鐸鐸生西溪公成化間以材武累任守備配楊氏封贈皆如子官卒時公年纔九歲家且壁立楊脫臂珥爲公膏火費命師邑人程少尹循循如書生楊嘗撫之曰劉氏一脉若髮引千鈞幸汝少樹立不替賴略之傳卽吾含笑入地矣言旣衣盡沾公亦跪泣不

能仰觀乃益自刻勵嘗曰大文不章大武不劍吾知所以乃遂爲以道馭兵以文經武之學成化庚子襲陰張中丞一見奇之遣入學官由是學益邃博弘治壬子始弱冠卽出守保安新城心綜理覈武備大修甲子轉守懷來城時中丞馬公中錫以懷來爲路衝賓需咸索之下公曰無爲澆我清白守也遂以官銀三百兩給公使其見知嘗道如此乙丑歲適中路葛谷守坐邊事家居未幾攝本鎮西路分守一時恩威並著雍中丞秦性嚴毅但少許可每器重公逢人卽曰我劉某云正德丙寅總制中憲劉公誦薦陞南路

叅將丁卯陞宣府副總兵。上賜飛魚一襲時部門
所虜酋花當久肆侵犯公奮兵勦之捷報。上嘉悅
進級賜金幣庚午註中府都督僉事御勅佩鎮朔將
軍印鎮宣府以貌馭得宜地方寧謐賜勅獎諭及蟒
衣金幣士申給二品誥命追贈其三代乙亥取回京
管耀武營賜斗牛紗羅衣各一襲環縵有差尋克剛
管東官廳左叅將時。武皇帝幸邊邊將輩競起取
寵公獨戚抑謙退。上亦整容待之謂爲劉夫子云
庚辰歲。武皇帝升遐向競進將輩咸置之理。太
皇后與顧命大臣以公不附權幸命視西直阜城門

慰以溫旨辛巳 今上踐阼命鎮守關陝註右府都督僉事克總兵官賜制勅符驗金幣鎮陝一年虜無暴侵人有寧宇常祿之外諸凡悉裁之壬午懇辭歸宣總制兵部尚書李公鉞以金幣三百餽贖公公辭謝之一無所受後總制尚書楊公一清巡撫中丞劉公源清及兩京科道官謂公歲老猷壯不宜遽退起取管揚威管提督巡捕京城庚寅歲又註左軍都督僉事勅鎮守遼東賜制勅公幣在遼六年招徠夷落振作軍威地方爲之一清建州被虜者流移高麗王給衣食驛歸公嘉之以文 上勅厚賚因王王感之

曰非劉太師 上何以知其化被遠人如此明年以
引年辭 上溫旨留之邊之撫巡及文武致政士大
夫在京國子生進貢夷人悉具通狀留之以故不獲
歸未幾有軍變窘辱撫臺公至處分乃止邊人非公
中處則禍變將不止雲中矣後公惟自劾自訟人有
稱公功者曰兵士若是撫臣若是而謂某之功也其
謙抑引咎類如此歸宜尚康健優游林下者且餘十
年課子弄孫日宴如也已亥秋余自水部歸田得廁
公杯盃几杖者復年餘辛丑秋而公且臥病矣公自
少至壯老室無女侍寢疾時惟胡夫人視湯藥夜不

解衣者凡二年然亦日就羸弱公泣謝曰老妻服勞
若此何以報之我死後幸無作佛事楫兒幸忠孝清
白諸孫無廢耕讀足矣言畢而逝嗚呼痛哉

驃騎將軍南京右軍都督府都督僉事楊公銳

墓志銘

陳沂

公諱銳字進之姓楊氏其先徐之蕭縣人有諱某者
從高皇帝龍輿有翊戴功官累至指揮僉事至曾
祖某於正統間以功進南京羽林前衛指揮使父瓚
嗣其官掌小軍營母丁氏成化辛卯正月十七日生
公公自兒時有機警弘治庚申代父官羽林總神機
營正德元年丙寅掌龍江右衛事衛久稱敝至是一
新二年丁卯督造漕艘于淮浦歲計費有誠御史中
丞總戎每議大事曰非銳不可四月己巳總江西十

二術所儲運艘艘聯屬比之障法加嚴遲無後期凡八年癸酉進暑都指揮命事奉簡書守備九江安慶諸郡駐軍皖城求余闕城守事曰今日當不足憂也九年甲戌盡獲江賊于蓮花洲監司喜以事上聞公曰江賊矣恐可患者豫章耳意指寧濠又謂九江爲鄱陽上流不可恃湖最要害當以九江中左所一旅置戍於湖口縣之高嶺可遠望有警可卽達也乃繪長江圖具事標議凡數本呈南京棧務司馬重臣及臺院司江防者又請造戰艦若干艘習水戰于江上十一年丙子與臺院密議兵食繕皖城周城中多

浚井十四年巳卯六月十四日寧濠變作卽告變于
京師先引軍設鉤距於江側禁勿泄二十有七日寇
至船二百餘艘抵嶧爲鉤距所破船繼至者以千數
公坐城上與衆誓勸逆當得大功告郡守張文錦俾
發府庫金懸以示賞有寇衣緋者稱凌十一先登公
引弓中其首其子繼登貫其吭而死於是愾者皆起
城上建大旌書勸逆賊以壯士氣有安慶人僉事潘
鵬持黃紙衣緋權騎至城號僞使兵數十萬能以城
降得不死公名語鵬曰汝死已後尚覩顏爲悼言乎
吾刃至矣捕鵬家一人腰斬棄城下鵬乃遁去寇爲

敵樓敵伊何賊有甲冑者出關楯外持鉤機大呼公
發矢中其左腋乘火齊發頃之樓燬死者不可計八
日宸隙船泊南岸聞不克大怒率衆分攻五城各首
舉木爲蔽甚急公裂方布覆紙裝藥火千數散投所
蔽木上火發盡棄走火光周匝不絕寇無所遁十二
日寇於北濠結木爲棧與城接扶兵而進城中大驚
公曰事急矣乃詭以大將軍火銃寶石被緋金鼓置
城上向寇兵寇望見大潰潛使一卒從間道出燒棧
絕十六日寇衆解體且暑甚溽力憊夜紆睡去公募
善泅者數人於船中聞鼙聲卽斬首絕其纜放

江

中又遣一二強卒突入斫上營舉火礮城上應之乘
勝捕殺聲震數里是夜宸濠沽歎出涕舉帆順風而
返奏捷 武呈下璽書褒之曰十八晝夜勞苦可嘉
朕心大悅又賜有忠勤報國戰守奇功二箇實授都
指揮僉事克恭將仍守安慶兼湖廣地方公疏舉
公裔胡公世寧當大用以嘉其忠益鄭嘗爲布政司
嘗爲副使以拒濠譏者濠既平十六年辛巳司馬部
論功進公爲左軍都督府都督僉事蔭子評爲羽林
千戶又疏辭舉御史楊必進嘗與謀于未變時者廷
臣多賢之安慶立生祠以祀嘉靖元年壬午會書府

事掌仲威軍營未幾以三關弗靖移守保定諸郡詔
杖驃騎將軍四年乙酉詔還京師保定人亦立祠生
祀之至京學立威營五年丙戌以母老乞歸養改南
京右軍都督府八年己丑制下白麻授公爲總兵官
鎮守遼東挂征虜前將軍印至鎮秋毫無犯士卒思
奮明年庚寅改漕運總兵官挂漕運印兼鎮守淮安
等處地方明年辛卯忌者有言乃罷歸南京又明年
壬辰八月十日以疾卒嗚乎寧濠叛作一時削平之
人可謂有社稷之功矣新建伯王公守仁奪爵大司
馬伍公文定罷官都御史張公文錦王主事冕皆過

害公位至西樞兩懸將耶終商牖下復何憾哉公自
立官足不及權門請託身歿囊無一錢諸子鬻衣爲
葬比之古名將不特論功而已余書寄之曰但求無
罪不可有功將帥之事也公曰如此良友銳可爲無
過矣公家居孝友視弟之遺孤無異己出處故舊常
失於厚恤窮林難之事不可具悉

南京前軍都督府都督僉事劉公望神道碑

楊 魁

公諱軍宇廷守省齋其別號也先世山後會州右族
始祖十八公洪武間從戎陣亡高祖通從靖難師有
功長義勇左衛指揮同知曾祖真始改南京龍驤衛
相繼歿於陣以祖傷痍寤未及請功考武號雪亭博
雅閑將略祖考皆贈如公官祖妣孫妣黃繼王皆贈
夫人公生四旬而喪妣外祖父憐而有之七歲歸省
卽依依雪亭公無去志人皆異之既長克盡孝道王
歿繼葬待公甚嚴公能使底隊幼篤志業備年十六

提學御史陳公琳聞其舉以高科期之屢舉不第
雪亭公早世乃承廢印以才能燧視龍江右衛軍政
未幾遷撥船廠把總公以清慎勤蒞之無不肅然大
司馬喬公宇少司馬王公焯咸重之薦陞南京旗手
等衛把總運糧值武廟時江彬用事以勢迫公常
運船之利公瀕死不從臺諫薦奉勅守備浙江溫州
等府地方到任卽清甯弊訪民瘼郡人大悅兩越月
總督漕運中丞聞公突待焚溫處一隅漕運重務必
得公之賢乃可林江西之弊陞印指揮公事江西都
司把總總糧溫處之人乞留不獲乃勒石建亭民到

今思之江西總運自宸濠之亂歲兇者越歲不克完
公盡心區畫本總自是獨感科道撫按交章薦列推
宰江西都指揮使司事時巡撫中丞盧公應期知公
公明每屬疑獄多所平反公乃請依期給糧以恤軍
上清衙門宿弊以杜奸宄羣吏入司之公罰除衙
所冊文之枉糾請廢府之餘材以立官衙出城索之
租稅以歸公府善政美意不一而足也時公祿入猶
薄自處有寒土所不堪者于是科道撫按薦疏交馳
名曰起士林有青萊剗及劉窮之疏當道者亦以
聞之朝廷云王公守仁以總制經江西一見卽雅重

之奏取副奉命木下而王公卒遂奉勅克恭將臨
清迎漕守淮安銓注錦衣衛有議處船糧以免涼阻
等疏片議行言官又極言請屬奉制勅陞署都督僉
事挂印克總兵官提督漕運鎮守淮安公益竭忠盡
乃奏增餘丁月糧以均勞逸定考課以裨軍政明漕
規以一衆心賑濟江南河道以濟漕運拆兌山縣糧
米以免積地凡三十餘疏至今爲漕政良規惠淮揚
河道於淺奏起四府丁夫開濬功成詔賜白金彩幣
以旌之隨遇恩例實授給贈三代卽具疏乞休令
爲狀畱如去溫時撫按以屬傳溫旨慰畱再疏送

改僉南京前督府事南道復薦乃取僉北後府事是
任歲餘乞休益力復改僉南前府甫半歲再被命充
總兵官提督漕運鎮中淮安公再蒞以來於勢要愈
不假借惟真退休未幾得解任回鄉行李蕭然書數
卷而已家居閉門却掃圖書左右丁未詔復起公而
已寢疾矣公平生志意恬退清例總兵三年當晉級
賜玉帶大司馬張公瓚毛公伯溫先後欲爲請公皆
力辭之少事雪亭公疾極盡勞瘁遭喪哀毀至於嘔
血弟早喪撫其遺孤愛愈已子官雖康歲時必捐俸
以贖親黨此皆人所難者至于卻舊屬之命于暮夜

之間遇以友之寄于十年之後皆其人自暴諸人者
嗚呼公之德亦盛矣公問學該洽議論識見往往出
人意表外嚴毅而內沉靜人不敢干以私平生無他
嗜好不置侍妾雖燕居衣冠端坐及暮無惰容余六
月拜公猶坐語池亭臺臺皆 國家大計甫兩月而
以計聞嗚呼痛哉謹次公之大者表諸貞石

昭德錄序略

王 暉

始予友公於江閩觀公面皯削無渥顏聳肩敞服類
寒士及聽其言也臺臺纒纒依理據法與之上下論
議古今人物事理是是非非無所舛謬載稽其績效

井井秩秩具有倫叙退省其私視身物行毫髮無所
苟一日延按御史蒞南昌郡學郡學生講中庸天下
國家可均章至白刃可蹈中庸不可能御史問諸生
而謂而鄉人先輩誰可當此諸生未及對則曰文天
祥其人也公在坐聞之縮頸側面斷所作喉語曾謂
以專聶之行加諸仁至義盡之夫仁至義盡外何處
更討中庸欠身欲起辯同俯蹠其足而止其他應物
酬事多類此所親或規其愆予特悚然敬之因與定
交晚獲同漕務於淮漕務間多紛糾公能熟悉肯綮
予賴裨益焉予嘗病總漕者之不盡得人因憶正德

中運事大困公會任把總適河凍舟阻糧絕于顯公以兩葛衣夾木絲以禦嚴寒悉力綜理卒免于罰庸卒依公若父母然當是時權姦用事率以忤入之貨逼脅漕總領依各船而倍責其息運事困憊多緣此故公乃預冥一棺舟中右手持刀左手招權姦狼幹言若能死犯吾舟吾卽殺汝卽自殺臥棺中以明若輩之害吾軍後必有能辨之者吾不能內若貨以困吾軍其人愚而退然終亦不能害公嗚呼此何異心雄萬夫云談者迄今作氣不謂公面變削無渥顏登肩敵服類寒士乃能爾爾使總漕者之盡得若人焉

運困其有蘇乎

訶墓編

公字廷信少業儒有名居官廉潔不受錢羣公推穀致位兩府初分閩江西計廩而食妻子布衣不完巡按穆御史相特疏薦之有僚友比之學官家人謂之窮鬼等語推總漕運上議其名喜曰是前窮鬼聖亟可其奏公夙諳利弊與罷殆盡士心悅服侯助方有寵請公爲市南物付運舟分載入都以固利公不應以疾請告久之總漕非人復召用公有欲得公位者嗾言官論劾罷歸卒晚年祿入既豐輿服稍踰昔

疏乃謂其款稱青萊別今爲黃金壘人多寃之習曰
國有大計曰惟轉輸旣稱利府亦曰要樞自靖自康
利人足國上友恭襄丹青麟閣

征西將軍鎮守寧夏地方總兵官右軍都督府

都督僉事王公縉墓志銘

公諱縉字朝儀其先廬陵著姓高祖用曾祖頴竝西
安後衛百戶祖璧考鎮竝副千戶遂世襲關中鎮忠
勇邁倫致命朔塋公以曼倩學劔之年承勾踐納官
之典爛其熊繡突而厲揚嘉靖六年歲在丁亥歲歲
白羊嶺稍遷正千戶戊子慶青沙峴庚寅破若籠篋
竝捷進指揮僉事甲午戰清水河丁酉援柳樹營積
功遷固原守備旋進都指揮僉事克右叅將分守延
綏己亥伏涼水灣庚子攻孟家塔林高松樹捍神木

山殊庸疊懋擢副總兵協守延綏辛丑承本兵檄兼
山西虜率旅風從不陣而馳東絕大河逆虜授首擢
堅擊瑕斬酋越等獻捷音於在泮錫金繒於轅門壬
寅再戰介休功與前埒唱凱言旋假握帥印扞威武
堡搏定邊營虜愴威稜喙息而駭便蕃再賁閩外益
光癸卯進右軍都督府署都督僉事鎮守陝西地方
露布屢聞太常載祀於是實授都督僉事給以綸誥
元配吳氏獲封夫人丁未拜征西將軍總兵官鎮守
寧夏方冀永興巨鎮鬱爲長城而以義渠之鯁坐別
虎鈕角巾私第不然不尤時宜嘉賓優游宴喜歲庚

戊夏六月二十有七日未疾弗與大命云絕享年五十有九嗚呼王公雅操寬中識局剛濟任金港鐵逾四十年北禦狼齋西拒犬戎大戰十數小戰數十獲虜之敵至于二百牛馬器甲益無算焉進律登壇計功而得匪冒濫也一值債蹟遂從史議爲法受惡口絕辯言豈不惻惻君子哉余切比隣頗稔風采錄其功行撰此志文

伯兄都督僉事堪行狀

孫 陞

伯兄諱堪字志健伯杲其號上世睦州人也後唐明宗時有諱岳者爲三司使兼招討大將軍卒於餘姚孫氏遂爲餘姚人至七世孫諱應時者登宋淳熙乙未進士歷任通判邵武軍東南學者宗之稱燭湖先生與晦菴朱子友善鄉人稱吾宗爲燭湖孫氏元末有爲山陰教諭諱原彝者緝燭湖先生之緒入我朝族屬漸繁世居湖東方十里許無他姓相類云高祖諱銳以長子泓貴封監察御史曾祖諱溥隱居不仕祖諱新仕爲鄭州通運所大使曾祖暨祖俱以先

忠烈公恩贈禮部尚書曾祖景龍俱贈夫人先公諱燧配先夫人楊氏生三子伯兄暨仲兄擇不肖陞也伯兄幼以孝聞讀書質穎過人弱冠補學官弟子工舉子業乃又善爲古文詞一時文士皆避弗敢與竝又有膂力善騎射鄉里長老見者輒稱孫伯子文武才期以遠到焉正德中先公自河南布政使遷右副都御史巡撫江西過錢塘遣先夫人歸姚而獨往蒞任歲己卯宸濠反先公以罵賊不屈仗節聲傳至浙吾兄弟叩地號天五內崩裂既爲位莫哭伯兄怒操刀赴難不與賊俱生時伯兄由金華間道徒跣以

行仲兄暨陞請借行伯兄曰母夫人哀苦甚憊兩弟
且留閱數日慰告母夫人竟亦行矣伯兄至江西時
提督南贛軍務都御史王公守仁吉安太守伍君文
定率兵勤王逆濠已就檻車乃詣先公塋所首觸地
悲哀慟哭已乃更泊棺殮見先公面顏若生又大慟
絕而復甦耳遂贈乃與仲兄暨陞扶柩還鄉入中堂
朝夕泣奠如禮居無何而 設皇帝棄軍臣不及錄
先公 今上御極首褒先公贈禮部尚書謚忠烈道
工部進士李翔治葬乃葬先公慈水龍山之陽伯兄
結廬墓側蔬食水飲足跡不履城市有靈芝一莖九

葩者數本產塚上人以爲孝感所致伯兄在廬次嘗
泣謂仲兄暨陞曰方吾輩間關赴難自分速死今大
慙已平父忠已白而母夫人猶在室也可憤鬱自廢
手其思勉修顯揚之業續先緒酬國恩庶勝徒死
不然生無益也言已相向躄踊哭及終制以父變非
常仍服墨衰畢三年嘉靖乙酉伯兄赴闕陳謝褒卹
先公之典奉特旨陞授錦衣衛左所正千戶明年
丙戌中武舉第一晉署指揮同知己丑遷都指揮僉
事浙江都司僉書庚寅改團管坐營官丙申改錦衣
衛南鎮撫司管事癸卯遷都督僉事管前軍都督府

事所至勵清操恤下士刈宿弊振官常聲譽赫然庚
戌秋虜酋大入爲患左都督陸公炳言強弩之利因
表伯兄教弩京營伯兄疏陳製弩用弩之法千餘言
得 俞旨訓練萬人踰年而藝成又博采古人已試
成績名曰弩考其蒞事精覈如此當是時仲兄貢春
官選入史局授中書舍人歷尚寶卿陞舉進士溢等
詞林歷今官共迎先夫人執養京邸者二十餘年伯
兄每退食率仲兄暨陞承頰膝下呼諸孫前戲爲娛
獨居輒追憶先公喫咽廢食枕席有淚痕然弗敢使
先夫人知也遇忌日先夫人哀弗能禁則舉家素服

聚哭以爲常伯兄天性剛嚴至奉先夫人聲柔色愉
惴惴焉慮有不勝久之益弗解癸丑四月先夫人選
疾是時仲兄以展墓先歸惟伯兄暨陞在侍伯兄不
解衣不交睫夙夜躬進湯藥五月五日先夫人長逝
伯兄慟哭蔬食水飲一如喪先公而益年旣七十餘
矣親友勸以節哀從禮弗聽乃陞朝夕與同寢處食
飲又弗敢勸也伯兄疏乞休致葬母 上許之賜給
驛扶柩而南次淮口仲兄奔計自故鄉來哭舟中見
伯兄毀瘠不支然猶淚中冷果烹茗匍匐薦几寔謂
先夫人不嘗茹味者積有歲年悲感益甚奄奄抵枕

城北竟以絕粒終于先夫人柩側是歲九月十五日也訣無他詞惟云襄事有兩弟在吾從先人游地下足矣嗚呼痛哉前一夕有巨石墜河葦舟皆撼杭人傳語歎異及聞伯兄之變識者知爲星殞云錦衣衛署指揮同知鈺疏聞詔贈都督同知賜祭二壇仍許鈺還鄉葬父益異數也伯兄洞究輶略諳九邊地形京中諸閫帥過詢山川險易屯戍犄角之勢伯兄指畫論議悉中肯綮相與歎服而退發爲詩文詞隲意高有關世教匪徒藻飾爲工凡天文地理律曆醫卜諸技藝皆所旁通謂古之名人未有遺小物持聞見

而能適於用者亦其心計精力優爲之爾又工繪事
爲薦紳大夫所珍慕然實藉此寫終天之恨有所托
焉而非其志也爲人正直端方畫地而蹈人不敢干
以私與人交勸善規過無隱人咸敬信每祭祀齋沐
將事鞠躬屏息如兩祖先泊家誠子弟甚嚴乃子弟
事之惟謹素行可質神明孝尤顯著諭祭文略曰始
以痛父危難而捐軀莫及耳遂失聰茲復哀屏劬勞
而扶輓過傷身因殞絕秉忠篤孝濟美象賢宜錫褒
崇風示閭里 聖明國非察之矣吾鄉雖三尺童子
無弗稱伯兄孝者 巡按浙江御史趙君炳然行部至
錄采與論特斷于 朝旌日孝行之門伯兄
生成化玉實十二月十日計年七十有二

左軍都督府署都督僉事山西副總兵田公世

威墓志銘

朱睦㮮

公姓田氏諱世威字維揚其先諱榮者龍門人 文
皇帝時以功累遷宣武衛正千戶榮生福福生銳銳
生浩浩生秀秀乃公父也浩秀以公貴俱贈驛騎將
軍署都督僉事公生而剛毅有智數弱冠補開封學
生累試不第嘉靖壬辰襲正千戶乙未武舉中式授
宣武衛署指揮同知癸卯陞江北糧糧把總坐乘輿
調延安衛丙午六月總督侍郎曾公銑檄委巡邊以
功賜金褒獎丁未陞固原守備復陞都指揮僉事分

守寧夏西路是時曾公經理河套大功聖成大學士
廉公爲忌之嗾仇鸞論奏曾戮於市公坐以曾讞謫
戍開平庚戌大虜入寇城下大司馬徵詣京師及虜
退容送尚書史公道質畫馬市市成陞永寧守備癸
丑復陞宣府遊擊將軍七月虜酋俺答侵紫荆關督
府調公過截二十五日與虜遇于廣昌金家井公誓
于衆曰今日之戰若不戮力必爲蓋粉爾不見諸營
屢北之驗乎衆皆奮勇而前公左脅中矢容不動猶
鼓之進擒酋首吉脫蘭斬獲二十三級奪大纛一竿
馮二十七匹明日追虜至蔚州薄家莊及沙窩堡壘

戰累日新獲亦衆九月擢右叅將分守宣府南路甲寅轉左叅將分守宣府東路值屬夷花當都督求和督府尚書蘇公祐意不決召公問公曰和之利有三便耕穫通商買保 陵寢督府以公議上詔許之六月陞副總兵協守宣府十二月屬夷復叛逮近警得公詢其故往撫之夷遂帖服乙卯正月俺答犯龍門公督衆往禦王板搭略設伏邀擊死傷甚衆虜退歸二月復至公攝總兵事帥部將前後斬獲百餘級三月虜去龍門犯萬全右衛督府以兵五千檄公會勦四月朔戰于馬應堡箭中左足明日暴瘡復戰虜遂

敗擊之出塞已而虜復入畱且久大小戰五十餘次
斬捕首虜數百人我軍戰死相當七月公晉左副總
兵協同鎮守大同八月俺答以數入不得利帥黃白
吉二十萬衆復犯山西督府調諸路兵往援公則管
于朔州南川前寨後寨柳溝杏園等地數與虜戰斬
獲四百餘級奪歸牛馬人口無算明年虜犯懷仁等
縣公且戰且守捕逆寇張邦奇斬首首錫臘以功先
後凡晉四級皆異數云是年十二月虜圍大同右衛
久其地頗爲蹂踐及圍解公坐免居無何都察院左
御史潘公思疏薦于朝庚申詔起公以右參將分

守山西西路辛酉五月首首脫脫帥衆侵偏頭虜
偵有備不敢掠公又智梟前鋒二首陷取馬七匹虜
訝神異遂遁去十三日老管堡兵變焚燒驛宇殺戮
官民公單騎入管諭以禍福堡兵羅拜乃捕叛首四
人撫輯逆黨七百餘人其地遂寧十一月總督侍郎
李文進以公才堪重寄薦改大同提督戰車明年
遷右副總兵鎮守甘肅甲子以視老乞歸養歸未踰
月復起右副總兵分守延綏西路十二月虜寇尾查
梁公一鼓而捷奪獲駝馬五百有奇明年晉傑將
軍左軍都督府署都督僉事克神傑管副將六月給

授諱命八月坐病免丙寅以大司馬薦起補山西副
總兵隆慶改元虜陷石州初公至任憤武備不振上
禁虜三十二事語頗激切當事者不悅至是坐觀望
不救繫詔獄三年己巳秋上物色才勇之士左右
以公言特降旨赦出給事軍門是時上銳意邊防
紀律嚴整俺答懷畏款關求貢上不許俺答以其
孫那吉入質亦不許先是逆寇趙全等十三人屢寇
總督王公崇古欲得之使公詣虜管喻意俺答縛全
等以歸督府獻俘闕下莊皇帝大悅封俺答爲順
義王那吉都指揮使許其歲貢王公陞兵部尚書加

太子太保王公奏謝且薦公虜情風諳智慮周詳矧
獲攻陷之渠魁足雪軍民之讐恨及查今春世戍宣
鎮督兵親斬一級部下斬獲二十七級已經覈實併
應錄叙復其祖職以示優勸制報可六年督府委
宴虜王折議馬價綜理互市應酬諸夷事竣督府疏
稱公屢與諸酋定議卒致四市一體萬虜同視華夷
交歡公私兼濟上得疏以公分領總督宣大標下
右掖兵馬遊擊將軍督府又請上特改以都指揮
僉事管中軍事今年夏公以病卒太保王公臨哭甚
哀且爲經理喪事遣官護送歸葬

鎮朔將軍鎮守宣府總兵官中軍都督府都督

會事趙公崇璧墓志銘

于慎行

今世家名將益多出西北邊云鄒魯間故少談兵卽起自尺籍終不大顯惟趙將軍父子功名甚著趙將軍者諱崇璧字國璋兗之濟寧人也父曰白樓公以指揮起行間當 肅皇帝時佩鎮朔將軍印總兵宣府而將軍襲父官起事 今上亦佩鎮朔將軍印總兵宣府父子皆名將也白樓公爲人狀貌魁梧骨坐及腹而將軍頰而隆準音吐如鐘頎然修除其在班列無與齊眉白樓公御士嚴有紀律而將軍沈鷲寬

博得士心自樓公有才數而將軍用誠長者名然其
廉而好施則父子一也先世居魚臺六世祖榮洪武
中從軍籍彭城衛榮生忠永樂中從靖難爲副千戶
籍濟寧衛忠生勝正統己巳入衛擢指揮僉事勝生
雄雄生祿俱世其官祿生卿卽白樓公白樓公配張
夫人舉三子矣巳而生將軍將軍甫六七歲器度老
成嘻笑多驚人語嘗羅篋爲城斬竹爲戟分立羣兒
揮之左右如肄鶴列白樓公奇之及長好讀故記多
所通曉亦善道說卽經生談士莫窮其辨白樓公旣
老家居三子皆蚤卒而將軍齒亦長嘗承父爵以獨

子奉晨昏不忍去白樓公力趣之乃行里丈人或善
富路欲介書遊其名將軍謝曰辱丈人念甚厚第七
方出門未有尺寸効輒從長者求之卽幸而試右非
所願也里丈人益重之旣襲爲指揮僉事屬有河工
以將軍爲植所築堤堰視他技得完由是知名檄掌
銜築益能其官擢爲都指揮僉事部六郡士戍薊門
以勞受賞再擢中留都守正調出全都司居一年陞
大同平虜右叅將又六年陞協守山西副總兵官駐
老營堡又四年名入爲中軍都督府署都督僉事提
督京城內外巡捕會大慶軍恩特予官授封驛騎將

軍大父父咸贈如將軍官大母母咸贈夫人又三年
宣府大將缺廷推將軍賜璽書遣焉至則徧閱諸屯
堡部裨將修舉日夜行視不避風雨以是勞瘁踰一
年所卽病而會 上謁山陵與疾提兵入衛至懷來
益困疏乞骸骨溫旨慰留不許後三月又上疏請
上憫之賜乘傳歸而將軍不起矣將軍兩世在北邊
垂數十年邊人德之及卒一軍將吏皆爲流涕濟上
父老以爲白樓公父子賢有士風然皆無後相與累
歎悲之將軍爲將善撫士卒與同甘苦而行法無所
曲貸故所勅建修舉皆精堅有法可準永久其中衛

家也嘗核逸卒主名以所屯田出租取代更焉所部
舟無後至而逸者亦復其戍薊門建敬堂三第爲上
上其叅將大同修石城五墾荒田二千餘頃造甲三
千其協守山西修石城一造甲二千至鎮上谷所修
營愈衆而未及奏功以沒會貢市告成有詔故將軍
崇璧久勞苦邊其令守臣往祭賜金以葬蓋異數也
白樓公歷將四鎮最後雲中罷而餘田租八百金封
志之帑歸則甚貧沒無以葬及將軍仕二十年居多
胷腹竟亦無所漁獵或謂將軍少白洞爲家門計將
軍嘆曰世皆知先將軍不名一錢令兒子墮家聲何

顏上先人冢乎故將軍再世貴益貧然其仕長安傾
身結客至掃門爲具祿入不給以是名成爲大將及
病且死盡以所餘器服散與故人及門下而以後事
托中丞蕭公又馳書里人于生日荷恩爲上將無以
稱宋以天之靈幸奉首領以沒誠得足下一言傳其
志行死且不朽至是中丞調其棺斂而予爲之志銘

都督僉事呼公良朋行狀

葉向高

都督呼公諱良朋字如蘭別號益齋其先和州人始
視海以開國功授保定衛千戶宣德二年徙鎮東遂
爲鎮東人海無嗣以姪勝繼勝生志志生榮榮生文
靜公爲都督僉事榮文靜贈如其官文靜就潛庵嘗
嘗荷鎮撫全活窮囚有陰德配閻太夫人生公公生
玉貌豐姿望之肅然七歲而孤家壁立太夫人日抱
而泣娶躬之不及其無奈此藐然者爲溝中瘠也族
祖賓禠之三山請恤于官渡峽江風大作舟幾覆賓
顧天獲濟比得請復爲債家持去寤益甚公每飯輒

留其半太夫人強之盡則指其腹曰此已果然矣太夫人中心知其故益自傷比出就外傳讀七書百將傳取大意而已常亟歸任薪水弱冠受職闕下歸過夫椒惡少妄以爲賊間奪其牒公上書邑令張公冕乃解閭閻復以失期督過公公抗辯卒以無罪抵家與太夫人慟哭諸曹偶出入騎從甚都公徒步行市中市人固相與目公夫步也而騎者後矣已婚張夫人悉剖管珥償贖公時所負不少斬時倭方中閩中丞皖城阮公檄公巡海上斬巨首通三囉等十餘名于東梅山威名遠振以功領中軍嗣後中丞天津劉

公新安游公汪公成都塗公皆雅重公當游公時賊
據莆中閩南道梗聲息不相聞公獨以小艇渡海傳
命往返甚駛而汪公與都督定遠戚公察諸閩將獨
謂公可大用先後委督兵轉餉迄于倭平論功進指
揮同知世其官復與巨寇曾一本營戰海上賊鋒銳
軍幾不支公親發大砲沉其船轉戰大捷功第一塗
公爲聞諸朝進守備汀漳至則繕城朴兵數田克恤
武備一飭劇寇黃裳杜高山因平遠公督所部解其
閩江人祠而祀之進遊擊將軍兼坐管局閩南關參
將以公往攝公嚴簡舟師設伏出奇大破鄰寇何廷

輝聞廣之禍稍息已真補其官巨寇林鳳據彭湖出沒濱海患苦諸郡邑無已時奉命會勦公先登架入其阻以功賜白金文綺頃之進副總粵東兵而閩臺使者謂公不宜去閩具疏請會公已晉署都督僉事總兵鎮粵西未行乃如使者請徙鎮閩公起孤窮自奮于功名戮力行間二十餘年遂佩大將印建節鄉里春秋防海居鎮東軍容甚肅衛官避署爲行管諸故與公同儕及據公上者皆以軍禮見制制頓首不敢仰視公晨夕朝太夫人于堂市井聚觀此呼氏孤每食不能飽爲錢虜所困辱者也今乃能如此相歎

息以爲榮公亦自惟 國恩深厚圖所以報稱日夕
以防海爲事倭一入犯輒督舟師戰斬首五十餘級
鎮東有戍兵與市人譁處兢而譁公創議建營城東
聚族而居之遂以肅然閉藩臬大夫意公鄙人或
有
所降禮公持繩墨斤斤如也以故蜚語浸淫南臺諫
交章劾公公亦自乞罷樞臣知公章竟格已復徙鎮
粵西佩征蠻將軍印公單騎就道抵粵廉知諸錄戍
多潛逃取空名虛糜而已公一切勾收戍伍稍克稽
獯惕息不敢動昭州叛卒據三尚峒門爲亂公討之
或謂賊勢張輒進恐失利公曰此緩寇也如魚肉吾

民何必遠誅遂檄叅將白玉間道趣荔浦公自督大
兵繼進盡復諸叛者斬以殉昭民大悅事聞賜白金
復奉命征府江部分諸將以二萬人爲四隊絕險竝
進斬虜徭賊數千進擊諸支洞盡平之綏戢良徭至
千餘家當是時微公兩粵道路幾絕公念江旸紆阻
林菁蒙密易以數奸卽今日撲之異日將復聚憂未
已也乃區畫善後八事其大者置戍建堡分田給餉
賊黨所憑怙以其間令戍卒刈蒙翳治橋梁郵置亭
館絡繹不絕兩江之間往來如砥捷聞賜白金文綺
初公徙粵以太夫人春秋高難涉瘴鄉畱張夫人侍

於家至是思慕不置又以積勞成病力懇臺使者聞
諸朝詔許公歸公歎然就道宗藩士民擁別道左多
泣下抵家纔浹月大張筵集客爲大夫人壽督僕力
耕治圃蒔蔬暇則與余登麟巖望徘徊觀滄海冥
濛慨然歎曰吾結髮從戎來風破浪于此荅三十年
往矣乃今得朝夕膝下優游泉石間誰之賜也余念
自東南多事與公鴈行起者若而人十九挂史議顛
路困躓無能以功名終卽如威將軍之勳猶憤悶以
死乃公獨終始無暇年方踰艾乞身自娛超然物世
之外人間世吉祥善事可謂兼之心以此觀公未幾

公忽寢疾余過視公猶強起劇談屬余復事再踰日
遂公終之前歲一夕忽語余吾嘗夢帝符召借漳南吳
司馬渡海征蠻見桃花爛甚司馬已先逝矣及桃吾
其往乎果卒於萬曆庚寅三月初一日距生嘉靖丙
申六月初二日年五十有五計開予祭葬如令甲公
雖以武興然慕好儒生容貌詞氣恂恂如也絕不類
諸將家故所至縉紳大夫爭推重公與交歡事太夫
人極孝謹慕府餘貲不自私一錢盡以輸太夫人所
出納惟命葬贈公時羣虎至塚上公稽首而去其孝
感如此妾媵雖數人然與張夫人相莊無間恤寡妹

撫其孤甥微時少年齟齬公比公貴其人自悔謝且
虞公修報公曰驗豎子乃公豈以一日遭逢而傷汝
曹今韓淮陰專美第休矣毋恐其後少年中文法葢
爲解救不使知嗟夫跡公生平亦可謂篤衷淳行有
長者之風矣

後軍都督府都督僉事尹公鳳墓志銘

澹園集

萬曆戊戌十月二十九日都督尹公以疾終於里第
所司言公功先後載 肅皇帝實錄甚具與卹典應

上曰俞命太宗伯庀器用史臣爲詞下大京兆論
祭於家卒爵三獻禮也公諱鳳字德輝別號在竹先
世直隸鳳陽縣人始祖榮從 高皇帝起義爲衛干
戶以戰死進指揮同知世其官隸南府軍後銜六傳
至昇者配朱氏以嘉靖癸未六月二十一日而生公
公蚤孤有奇志貫穿經史諸兵法騎射舉武科鄉會

皆第一榜出。上賜宴兵部命輔臣主之以儀從送
歸觀者以爲榮授中都留守總公持廉斤斤而能察
用其下省直飛輓無能先者晉提督備倭福建歲壬
子帥舟師討海寇許朝恩斬首一百六十級奪還鹵
掠二百四十有奇捷聞賜帑金癸丑徙僉浙江都司
事秋晉叅將分守福興泉漳等處乙卯倭患起其擁
衆來也公以所部寡坐無功名詣對簿事尋自輒以
新募兵屬公公選驍果以軍法約束之稍不中率卽
斬以徇於是烏合之人皆爲精卒矣戊午與賊戰浙
與東洛七礁外洋生擒二十有三人戮百七十有奇

溺水死者無筭已未戰梅花笠中竿塘等處生擒九
人誅百二十有奇奪還所鹵掠亦無筭是役也公血
戰數十親冒矢石甲不解者月餘方轉開海洋直糧
盡輒馳島中采稗食之三口而餉至人見公所推敗
震一時不知其難如此也捷聞復賜金說者謂公斬
首虜多當益封然公軍吏封者數人而公不得封晉
長浙江都司以疾予告歸隆慶戊辰詔舉邊材官
者交口村公起長福建都司討巨盜曹一本平之捷
聞復賜金奉表入賀再乞歸辛未復起浙閩壬申
晉徐宿歸德參將以何徙守蘇松會今上踐作余

公功以彰幣勞之是歲冬用司馬譚公薦名爲後府
卿會僉事提督中外巡徼握環衛爲天子爪牙貴
聖矣公感知遇奮曰吾職備彈壓安得以微市解而
酣寢輦轂下邪乃條便宜十事上之下部覆報可當
是時所摻剔隱弊非一於掖門左藏議防尤甚殆當
責戚多斂手避者先是譚內名道杭公執三司禮見
譚弗悅陰調之得公治狀歎曰吾幾失公矣坐是延
推首公人謂公之自守譚之知人爲兩得云公年甫
踰艾名聲藉甚一日忽詔家人曰乃公倦游歸矣曩
吾在行間瀕死者且數而數以身免今至此非天幸

耶天幸不可久居乃上書固請歸日偕閭里以詩酒
禱誦自娛逍遙林壑者三十年而以病捐館舍登春
秋七十有六嗚呼盛矣公爲人施予無所靳而非義
則毫不以自黠進數避不就而退則一拂袖而決威
行夷蠻而與士卒相煦沫精意韜鈴而以詩禮爲干
楛故能奮跡偷魁結知明主黃金璽書之褒且數
十下其勳也猶微恩卹爲集壤光豈非生死榮哀
有始有卒者哉銘曰皇矣在宥有缺孔赫曰予昔之
師民臣力公起燒科問舉紛葩一洗甲兵手料天河
一帶錫公覆至於海嶠組練雲蒸鯨鯢電掣出如秋

深歸埃冬陽動何曠焉於律通然 帝曰懷哉汝瘞
於嚴雅時聲數是柎是飭公扣 九開莫閉若私靡
欲弗從袞衣東歸大星殞精駸裏却步峨峨龍山有
豳其墓豐碑大隧寔象祁連子孫繩之曰千萬年